

— Բերդեր ու ամրոցներ, որոնք կառուցվել են անմիջապես բնակատեղիների կից, ուր պատրաստվել են բնակիչները թշնամու անակնկալ հարձակումների ժամանակ՝ այսպես կոչված «տիրք» տիպի ամրոցաշինական կառույցներ:

— Բերդեր, որոնք ունեցել են վարչական կենտրոնի նշանակություն՝ բերդաքաղաքներ: Վերջիններս ընդգրկել են ընդարձակ տարածու-

թյուններ և բաղկացած են եղել միջնաբերդից, շահաստանից ու արվարձաններից:

— Բերդեր, որոնք կառուցվել են որպես հենակետեր՝ «կայան» տիպի ամրոցներ, որոնք ունեցել են համապետական նշանակություն և օգտագործվել են որպես թաքստավայրեր, ամրացված հենակետեր, որոնք նաև օգնում էին բացահայտելու թշնամու զորաշարժերը:

Ա. Ա. ԶԱՐՅԱՆ

ՉԱՆԳԵԶՈՒՐՈՒՄ ՀԱՅՏՆԱԲԵՐՎԱԾ ԾԻՍԱԿԱՆ ԻՐԵՐ

Հայ ժողովրդի հոգևոր մշակույթի նախնական շերտերի, աշխարհընկալման ամենատարբեր կողմերի նախնական համար զգալի նշանակություն ունեն ծիսական առարկաները, որոնք արտացոլում են տվյալ ժամանակաշրջանի հասարակական գիտակցության զարգացման մակարդակը: Եթե նկատի առնենք և այն, որ այդ նյութերը համարում և զգալիորեն պարզաբանում են հայոց՝ ժամանակագրորեն բավական բազմաշերտ առասպելաբանությունը, ավանդությունների արժատները, ապա պարզ կդառնա նմանօրինակ նյութերի կարևորությունը: Այս տեսակետից Սյունիքի հնավայրերից հայտնաբերվածները բացառություն չեն կազմում: Այդ նյութերը ներկայացված են բրոնզե կենդանակերպ արձանիկներով, տարատեսակ կախիկներով, օձազուխ ապարանշաններով, կենդանակերպ ու շրջանաձև անոթներով: Քննենք յուրաքանչյուր խումբն առանձին:

Բրոնզե կենդանակերպ արձանիկներ.— ներկայացված են եղջերուների արձանիկներով ու զավազանի ցլազուխ քանդակով: Եղջերուները հինգն են. հայտնաբերվել են Սիսիանի շրջանի Տոլորս, լծեն¹, Անգիզակով և Վաղուդի հնավայրերում մ. թ. ա. II հազ. վերջ—I հազ. I քառորդով ընկած ժամանակահատվածում: Տոլորսի նմուշը թեթևակի բացված ոտքերով, հանգիստ վիճակում կանգնած կենդանու կեցվածքն է ներկայացնում, որի պարանոցին երեք բրոնզաձուլ օղակներ կան: Պարզ արտահայտված են կենդանու ոտնակները, բերանն ու աչքերը: Խոշոր, առանձին ձուլված եղջերուները տեղադրված են հա-

տուկ բացված անցքերում: Հինավուրց քանդակագործության հոյակապ նմուշ հանդիսացող այս արձանիկի վրա ակնհայտ է իրականությանը հարազատ մնալու ձգտումը (աղ. I, նկ. 1): Նույնը չի կարելի ասել լծենից գտնված երկու նմուշների վերաբերյալ: Սրանք առանձնանում են չափերի փոքրությամբ, մանրամասների բացակայությամբ, բայց միաժամանակ և կենդանու հիմնական հատկանիշների, նրա ընդհանուր ձևը շեշտելու ապոնհայտ միտումով (աղ. I, նկ. 2—3): Նույնը պետք է ասել և Անգիզակովից (աղ. I, նկ. 4) ու Վաղուդի գյուղից հայտնաբերված (աղ. I, նկ. 5) նմուշների մասին: Արձանիկներից վերջին երկուսը փորատակերին փոքրիկ գլանիկներ ունեն, որոնց մեջ գավազանի փայտե մասն է ամրացվել:

Բրոնզաձուլ քանդակներից վերջինը գավազանի ցլազուխ գլխակալն է, որը եղջերուի արձանիկի հետ գտնված է Տոլորսի նշված դամբարանից: Իրը ցլի գլխի տեսք ունի, որի ճակատին եռանկյունաձև բացվածք կա (աղ. I, նկ. 6): Նման գլխակալ հայտնաբերվել է և Առաջաձորից, որի հիման վրա կարելի է վերականգնել զանգեղուրյան նմուշի ամբողջական տեսքը²: Եղջերուների և ցուլերի բրոնզաձուլ արձանիկներ և զանազան քանդակներ հայտնի են լճաշեն, Լոռի բերդ, Այրում, Կամո, Թալին, Բամբակաշատ, Ալաշա Հույուկ և այլ հնավայրերից³, որը ցույց է տալիս այդ կենդանիների պաշտամունքի լայն տարածումը: Եղջերվի պաշտամունքը վաղնշական

¹ А. А. Мартиросян. Армения в эпоху бронзы и раннего железа. Ереван, 1964, с. 151, рис. 62₁₋₂; А. О. Мнацаканян. Находки предметов бронзового века в селении Толорс (в Зангезуре) АрмССР. — Краткие сообщения Института истории материальной культуры (КСИИМК), вып. 54, 1954, рис. 2, с. 99.

² К. Х. Кушнарева. Некоторые памятники эпохи поздней бронзы в Нагорном Карабахе.—Советская археология, XXVII, 1957, рис. 5, с. 145.

³ С. А. Есаян, А. О. Мнацаканян. О статуэтках из Лчашена.—Историко-филологический журнал, 1975, № 2, с. 253—261; С. Г. Деведжян. Лорн-Берд I. Ереван, 1981, рис. 14, с. 45.

ժամանակներից է տարածված եղել Հայկական լեռնաշխարհում, Անդրկովկասում և ողջ Առաջավոր Ասիայում⁴։ Այդ է վկայում և Շենգավթից գտնված, մ. թ. ա. III հազ. թվագրվող թասերից մեկը, որի իրանի զարդարված է եղջերուների պատկերներով⁵։ Նշենք, որ Շիրակավանի բնակավայրի մ. թ. ա. III հազ. շերտում հայտնաբերվեցին այդ կենդանու եղջյուրներ, եղջերուների պատկերներ ևնք տեսնում և Գյոյթեփեից, Գուդարեղկայից, Կվացխլեթիի C շերտից հայտնաբերված նյութերում և այլ վաղ բրոնզեդարյան հուշարձաններում⁶։

Հետազոտողները ցույց են տվել, որ Լզը, ցույն ու եղջերուն հետագուր ժամանակներից սկսած, հիմնականում ունենալով համանման նշանակություն, կապվել են հողմի, ամպրոպի ու արևի հետ⁷։ Այդ են փաստարկում և խեթական տոնակատարությունների նկարագրմանը նվիրված արձանագրությունները, որոնցում Լղջերուն, կապվելով արևի աստվածության հետ, միջնորդավորված ձևով առնչվում է և ամպրոպի աստվածությանը⁸։ Ընթացիկում է, որ խեթական արձանագրություններում հիշատակվող «դաշտերի գավակ», «հովանավորող ոգի» անվամբ հայտնի աստվածությունը Լղջերուն է անձնավորված⁹։ Նման ենթադրությունը, եթե հաշվի առնենք Լղջերվի կապը արևի ու ամպրոպի հետ, որը վերջին հաշվով հանգում է պտղաբերության գաղափարին, անհավանական չէ։ Ինչ վերաբերում է եղջերվի և ցուլի՝ հիմնականում համանման բնույթին ու նշանակությանը, ապա դրա վկայություններից կտրող է հանդիսանալ և այն, որ ամպրոպի աստված Թեյշեբայի սրբազան կենդանին հանդիսացել է ցուլը, որի վրա կանգնած էլ նա պատկերվում է¹⁰։ Այս հավատալիքները իրենց արտացոլում են գտել և հայ ժողովրդական պատկերացումներում. Լղնիկը ծնվում է արև ժամանակ

անձրև գալիս¹⁰ (նման մտայնություն կա և գալլի վերաբերյալ)։

Այսպիսով, հետազոտված իրերը, ունենալով տվյալ պաշտամունքը խորհրդանշող բնույթ, ամենայն հավանականությամբ օգտագործվել են ծիսական արարողությունների ժամանակ, ինչպես ասենք խեթերի մեջ գարնանային «կիլամ» տոնախմբության ընթացքում, երբ նման արձանիկները տանում էին ցուլեր լծված կառքի առջևից¹¹։

Օձագլուխ ապարանջաններ.— Սյունիքում առայժմ հայտնի են մ. թ. ա. VII—VI դդ. և III—II դդ. թվագրվող նյութերի հետ (վերջիններս գտնվել են Գորիսից)։ Դրանցից մ. թ. ա. VII—VI դդ. թվագրվողները հայտնաբերվել են Շիկահողից (դամբ. № 10), ծիսական նշանակություն ունեցող նյութերի հետ, որը և ենթադրել է տալիս, թե այդ դամբարանը քրմի է պատկանել։ Այդ ապարանջանները երեքն են։ Սրանք զանգվածեղ, կտրվածքում կիսաշրջանաձև տեսք ունեցող բրոնզաձուլք իրեր են, որոնց ծայրերին և միջին մասում՝ բավական ռճավորված օձերի գլուխներ են արված։ Գլուխների միջև ընկած տարածքում Լրկուական անկյունաձև պատկերներ կան, որոնց արտաքին կողմերից գծիկներ են տրված (աղ. I, նկ. 11)։ Օձագլուխ ապարանջանները Հայաստանում հայտնի են մ. թ. ա. I հազ. սկզբից, բայց օձապատկերները շատ ավելի վաղ են հանդես գալիս, որը և մատնանշում է օձի պաշտամունքի հետ կապված պատկերացումների շատ ավելի խոր արմատներ ունենալը։

Հետազոտվող օձի՝ տիեզերական ծառարմատը զբաղեցնող և հետագայում սատանա անվանված¹² կերպարի իմաստարանությունը, ուսումնասիրողները ցույց են տալիս, որ անձնավորելով ստորգետնյա աշխարհն ու խավարը՝ այն կապվում է ջրային քառսի հետ, հանգստ գալով իրրև կենսատու ջրերը արգելակող¹³։ Իրրև այդպիսին օձը, այլ կերպ ասած Սանդարամետը, իր Սպանդարամետ աստվածուհով հանդերձ (Սպանդարամետը նույնացվում է Դիոնիսոսի, Բաքոսի հետ և փոխարևրական իմաստով անվանվում եր-

4 Ս. Ս. Դևեյան. Եղջերվի պաշտամունքի հետքերը հին Հայաստանում.— «Պատմա-րանասիրական հանդես», 1982, № 2, էջ 140—152։

5 Ս. Ս. Սարգսյան. Նախնադարյան հասարակությունը Հայաստանում. Երևան, 1967, աղ. IX, նկ. 1։

6 К. Х. Кушнарева, Т. Н. Чубинишвили. Древние культуры Южно-го Кавказа. Л., 1970, рис. 26, с. 150.

7 С. А. Есаян. Скульптура древней Армении. Ереван, 1980, с. 25.

8 В. Г. Ардзинба. Ритуалы и мифы древней Анатолии. М., 1982, с. 16.

9 О. Р. Герин. Хетты. М., 1987, с. 124, 165.

10 Ե. Լալայան. Երկեր. հ. 1, Երևան, 1983, էջ 247։ Նույն տեղում նշվում է, որ ժողովրդի մեջ այն պատկերացումը կա, որ Եթե անասունը փռչտա՝ թիփի կլինի, իսկ Լթե Լզը վեր նայի ու հոտոտի՝ անձրև կգա և այլն։

11 В. Г. Ардзинба. Указ. соч., с. 29—34.

12 Եղնիկ Կողբացի. Եղծ աղանդոց. Երևան, 1970, էջ 50։

13 Ս. Բ. Հարությունյան. Վիշապա-սարտը «Սասնա ծռերում».— ՀՍՍՀ ԳԱ «Լրաբեր հաս. գիտ.» 1981, № 11, էջ 68։

կիր-պանդուկի ասաված¹⁴, կյանքը արգելակող, բայց միաժամանակ և արարող կերպար է: Պատահական չէ, որ օձը ժողովրդական պատկերա-
քումներում դիտվում է իբրև անմահության, տան

այլ շորքոտանի եղջերավորի տեսքով օձի հետ միաձուլվել կերպարով¹⁵: Պատահական չէ, որ հայոց պատկերացումներում օձ-վիշապը գոյանում է եղջերակից¹⁶, ճղչերուի և օձի միասնական կեր-



Առ. 1

ունեցվածքի ու լիության, ջրի և պտղաբերության խորհրդանիշ: Հետաքրքիր է, որ ժայռապատկերներում, գոտիների վրա օձը սովորաբար ներկայանում է եղջերուների և այլ կենդանիների հետ կամ միաձուլվել և կամ դրանց հետ մենամարտելիս: Այս պատկերները խիստ հարազատ են վահազների կերպարին, որը հանդես է եկել այժի կամ

15 Բ. Ն. Առաքելյան. Դիտողություններ վիշապաքաղ Վահազի մասին.—ՀՍՍՀ ԳԱ Տեղեկագիր» (հաս. գիտ.) 1951, № 2, էջ 75—80:

16 Ե. Հալալյան, Կրկեր. հ. 1, էջ 241: Այս միասնությունը կարող էր պայմանավորված լինել, թերևս, հողմի ու նրանից առաջացած թաթառի՝ ժողովրդական խոսքով «վիշապի» միասնական ընկալմամբ: Հնարավոր է, որ բնության

¹⁴ Նոր բառգիրք Հայկազնի լեզուի (այսուհետ ՆՀԲ), Գ. Բ. Երևան, 1981, էջ. 693, 734:

պտրն հնչ տեսնում ե Շիրակավանի ռոտիններից մեկի պատկերախմբում¹⁷։ Այդ միասնությունը, ի գեմա վիշապի և վիշապամարտիկի առերևույթ քարեկամության հաստատման, երևան է գալիս և հայ առասպելաբանության մեջ, որտեղ պատմական թանձր շերտերի տակ ընկած է վիշապամարտի հնագույն առասպելը¹⁸։ Հնդկավրոպական առասպելաբանության մեջ առանցքային տեղ զբաղեցնող այդ առասպելում պայքարն ավարտվում է ամպրոպային աստվածության հսկայական կով, որի հետևանքով երկիրը վերստանում է պտղաբերելու իր կարողությունը։ Ոձն այսպիսով հանդես է գալիս երկակի՝ իրրե կենսատու (բարի), բայց կյանքը կամովին լսվող (չար) ուժ, որը, սակայն, բոլոր դեպքերում հանգես է գալիս իրրե անմահության և վերածնության խորհրդանշել։ Ոձագլուխ ապարանջան կրելը, հետևաբար, կապվում է նաև անմահության և վերածնվելու մտքի հետ¹⁹, որն ի վերջո հանգում է պտղաբերության գաղափարին։ Պատահական չէ, որ թեյքերայի գաստակր զարդարված են տեսնում։ օձագլուխ ապարանջանով։

Կախիկներ.— Բրոնզաձուլ այս իրերը տարբեր ձևեր ունեն։ Դրանցից «ծառածն» կախիկները յոթն են։ Վաղագույնը, որ բրոնզե լարից պատրաստված ռեալիզմով եղևնու տեսք ունի, հայտնաբերված է Տանձավերից (դամբ. № 11), մ. թ. ա. XI—X դդ. թվագրվող նյութերի հետ։ Իրր երկու կողմից տարված շրջական ճյուղեր ունի, որոնք հիմքամասում խաչաձև են միացված, իսկ գագաթում օղակ են կաղմում (աղ. I, նկ. 12)։ Գագաթի նույն օղակներն ունեն և կախիկներից հաջորդ երեքը, որոնք, սակայն, պատրաստված են լոռնդի թերթից և առավել բնական են արտահայտում իդենու տեսքը։ Ծրուար հայտնաբերվել են Շիրակահովից, մ. թ. ա. VII—VI դդ. նյութերի հետ։ Սրանք նույնպես հակադիր կողմերից պարուրազար ծայրերով շրջական ճյուղեր ունեն։ Մեկի մակերեսը զարդարված է կետ-գծիկներից կազմված երկու շրջաններով, իսկ ճյուղերից

չորսը՝ կետերով (աղ. I, նկ. 13, 15)։ Կախիկներից երրորդը, որ երեքական ճյուղ ունի, գտնված է Ղափանից, շինարարական աշխատանքների ժամանակ (աղ. I, նկ. 14)։ Բոլոր երեք կախիկների բունը հիմքամասում ուղղված է։

Շրջանների ուղեկցությամբ են և խեցանոթների վրայի ծառայատկերները։ Շրջաններն այստեղ տեղադրված են ծառերի գագաթին և հիմքի մոտ։ Այս նկարներն են տեսնում հնածախից հայտնաբերված տափաշշի (աղ. I, նկ. 17), Տանձավերից գտնված սկահակների վրա։ Այս նյութերը թվագրվում են մ. թ. ա. VII—VI դդ.։

Կախիկների երրորդ խումբն են կազմում դույզ ծառի տեսք ունեցողները։ Մեկը Ղափանից է, հայտնաբերված շինարարական աշխատանքների ժամանակ և ձևով կրկնում է նախորդներին, այն տարբերությամբ, որ հնգական ճյուղ ունի, իսկ գագաթի օղակում ամրացված է կիսված ծառի տեսքով բրոնզաձուլ հավելված։ Սա նույնպես հինգ ճյուղ ունի, իսկ գագաթամասում թույլ կեռիկ է արված (աղ. I, նկ. 16), որը, սակայն, հորմար չէ կապելու համար։ Այս իրը կրելու եղանակը տակավին պարզ չէ. բացառված չէ, որ այն զգեստին է ամրացվել այլ ոչ թե կախվել Տանձավերի և Շիրակահովի նմուշների պես (զրանք հայտնաբերվել էին մարդկանց կմախքների կրծքավանդակների վրայից)։ Ղափանից պատահականորեն հայտնաբերված է նման կես ծառի տեսքով ևս մեկ հավելված, որի ետին մասում ամրացված բրոնզյա թերթիկի վրա անցք է արված (աղ. I, նկ. 18) ինչ-որ բանի ամրացնելու համար։

Հետաքրքիր է կախիկներից վերջինը։ Այն հայտնաբերված է Սիսիանի մ. թ. ա. X—IX դդ. թվագրվող դամբարաններից մեկում։ Այստեղ կմախք բացակայում էր, իսկ նախապես կուլում էր նյութերը ցրված էին ողջ դամբարանախցով մեկ։ Հայտնաբերված կախիկը ուղղանկյունաձև բրոնզե թերթիկ է։ Ստորին մասում եղած գնդաձև պատկերից սկիզբ առնող ուղղահայաց գծի երկու կողմերից վեր են ձգվում երկուական ճյուղեր։ Դրանցից ցած փոքր թեքությամբ իջնցված են մեկական գծեր։ Տպավորությունն այնպիսին է, որ ասես ծառը կանգնած է ոտքերի վրա, ավելի ճիշտ՝ ծառի մոտ մարդ կա, որի մարմինը չի երևում (աղ. I, նկ. 19)։ Իմաստով այս խմբի ծառայատկերների հետ են կապվում Ուղտասարի ժայռապատկերներից մի քանիսը²⁰։ Այդ պատկերներում ծառ-տղամարդ

այս երևույթները մարդու մոտ առաջացրել են երկրի ընդերքից ծայր առնող և ամպրոպային աստծու գեմ մարտնչող վիշապի անձնավորման ընկալումը՝ էպպված գարնան, բնության զարթոնքի հետ։

17 Ռ. Մ. Թորոսյան, Օ. Ս. Խնկիկյան, Լ. Ա. Պետրոսյան. Շիրակավանի դամբարանները.— «Պատմա-բանասիրական հանդես», 1960, № 2, էջ 276, նկ. 2։

18 Ս. Բ. Հարությունյան, նշվ. աշխ., էջ 70։

19 Է. Վ. Խանդավյան, Գառնի IV. Կնիսն, 1969, էջ 147։

20 Գ. Հ. Կալախյան, Պ. Գ. Սաֆյան. Սյունիքի ժայռապատկերները. Ծրեվան, 1970։

մեկտեղվելը²¹ առավել որոշակի է դիտվում: Գրանցից մեկը վեր պարզած ձեռքերով տղամարդ է, որի իրանի երկու կողմերից ճյուղեր են տարված (աղ. I, նկ. 20—21): Այս պատկերների ճշգրիտ զուգահեռները հայտնի են Գեղամա ժայռապատկերներում²²: Մոտի հարևանությամբ կանգնած մարդու պատկերն ենք տեսնում և Կարմիր-բերդից հայտնաբերված բրոնզե գոտու վրա²³: Ձնայած ծառածև կախիկների զուգահեռները ալ վայրերից դեռևս հայտնի չեն, բայց ծառապատկերներով զարդարված տարատեսակ խեցանոթներն ու ալլ իրերը բազմաթիվ են Հայաստանի և հարևան երկրների հնագիտական նյութերում: Մոտի ու զույգ ծառի զարդամոտիվը հաճախ է հանդիպում ուրարտական տարատեսակ նյութերում, ծառ-շրջանը՝ Ասորեստանում և այլն²⁴: Բերված փաստերը վկայում են ծառի պաշտամունքի լայն տարածումը:

Վեր հանելով ծառի պաշտամունքի էությունը, հետազոտողները ցույց են տվել, որ ծառն իր մեջ խտացրել է «տիեզերական» և «կենսաց» ծառ երկակի իմաստները: Իբրև «տիեզերական ծառ» այն արտահայտել է երկինք-երկիր-ստորգետնյա աշխարհ—տիեզերքի եռահորիզոնության գաղափարը, որը դիտվում է որպես նախասկիզբ տիե-

զերական օվկիանոսից (—ջուր, համադրվում է և նախասկիզբ քառսին որպես նրա համարժեք) առաջացած իրականություն²⁵: Այս տեսակետից ին աշխարհի գրավոր աղբյուրները հարուստ նյութ են ընձեռում հետազոտության համար: Ձխորանալով դրանց քննության մեջ (օր.՝ Թիամատը—ծով, որից մեկնցին երկինքը, երկիրը, լուսատուները և այլն), նշենք միայն, որ խուռիական դիցաբանությունից մեծապես ազդված խեթական էան, հանդես գալով իբրև տիեզերական օվկիանոսի և ընդհանրապես չրերի աստվածություն (բայց և որպես տիեզերական ծառի անձնավորում չհիշատակվելով տիեզերաստեղծության ընթացքում), զարմանալիորեն իրեն է վերապահում աստվածներին զուպելու, երկնքի, երկրի տնօրինությունը այս կամ այն աստծուն հանձնելու իրավունքը, որը հանդիպում է Կուրմարբիի և մյուս աստվածների պատմության դրվագներում²⁶, որով իսկ ընդգծվում է էայի ավագություն աստվածություն լինելը: Այլ ուսումնասիրողներ²⁷ այս երևույթը վեր են հանում Թեյշերայի առնչությամբ: Հարկ է նկատել, որ չորս նախասկիզբ մտայնության արձագանքները պահպանվել են նաև հայ ժողովրդի՝ տիեզերաստեղծության վերաբերյալ եղած պատկերացումներում²⁸:

Մոռն այսպիսով կապվելով տիեզերական շուր իմաստի հետ, խորհրդանշում է տիեզերքի երեք հորիզոնների՝ ջրից առաջանալու և սկզբնապես դրանց միասնական լինելու իմաստը²⁹, Բնական

25 Հ. Ա. Մ ար տ ի ր ո ս յ ա ն. Գիտությունն սկսվում է նախնադարում: Երևան 1978, էջ 67:

26 Հին Արեւելքի պոեզիա. Երևան, 1982, էջ 182—187, 524, 534:

27 Ս. Գ. Հ մ ա յ ա կ յ ա ն. Ուրարտական խաղի և Արուրանե աստվածությունների մասին.—«Պատմա-բանասիրական հանդես», 1982, № 2, էջ 129:

28 Տե՛ս Ե. Լ ա լ ա յ ա ն. Երկիր. 4. 1, էջ 212—215, 239; Վ. Պ ե տ ո յ ա ն. Սասնա .ազգագրությունը. Երևան, 1965, էջ 342: Ս տ. Լ ի ս ի ց յ ա ն. Լեոնային Ղարարադի հայերը. Երևան, 1981, էջ 66—67:

29 «Առասպելաբանության մեջ չուրը (—ծով), երկինքն ու օտոր միևնույն իրականության այն է՝ տիեզերքի տարբեր արտահայտություններն են»,—գրում է Ս. Բ. Հարությունյանը (տե՛ս Ս. Բ. Հ ա Ր ո Ւ Բ Յ ո Ւ Ն յ ա ն. Նշվ.՝ աշխ., էջ 67): Վ. Ն. Տոպորովի մոտ կարգում ենք. «...Երկնային ծովը մասն է կազմում այն քառսյին ջրային տարբերքի, որը բոլոր կողմերից շրջափակում է տիեզերքը և այս իմաստով այն համարժեք է դառնում ստորին աշխարհին» (Յ. Մ. Թ ո թ ո-

21 Մոռ-տղամարդ պատկերը առնչվում է մեռնող և վերակենդանացող աստվածության պաշտամունքի հետ: Այս առումով ուշագրավ է Սյունիքում պահպանված մի ավանդություն քաջ Բարսեղի մասին, որը մի շարք մանրամասներով համընկնում է Սոսանվեր Անուշավանի միջոցով ծառին առնչվող Արա Գեղեցիկի մեկ այլ տարբերակը հանդիսացող, մինչ այժմ անուշադրության մատնված, Շամիրամ-Բարզանեսի առասպելի հետ: Այն երկար Գերկեսո-Շամիրամի մասին եղած առասպելի զուգահեռն է Սյունիքում «հարսի թոնիր» անունով հայտնի ավանդությունը: Տե՛ս Ն. Ա դ ո ն ց. Հայաստանի պատմություն. Երևան, 1972, էջ 375—376: Մ. Ա ր ե ղ յ ա ն. Երկիր. 4. 1, Երևան, 1975, էջ 154—165: Գ. Բ. Ղ ա փ ա ն ց յ ա ն. Արա Գեղեցիկի պաշտամունքը. Երևան, 1944: Ա. Ղ ա ն ա լ ա ն յ ա ն. Ավանդապատում. Երևան, 1969, էջ 44, 98, 106:

22 Հ. Ա. Մ ար տ ի ր ո ս յ ա ն, Հ. Ռ. Ի ս-ր ա յ ե լ յ ա ն. Գեղամա լեռների ժայռապատկերները. Երևան, 1971, նկ. 310, 317: Հ. Ռ. Ի ս Ր ա յ ե լ յ ա ն. Պաշտամունքն ու հավատալիքը ուշ բրոնզեդարյան Հայաստանում. Երևան, 1973, նկ. 44, 45, էջ 81—82:

23 Շ. Ա. Е с а я н. Ереван (Археологический очерк). Ереван, 1969, табл. 27.

24 Б. Б. П и о т р о в с к и й. История и культура Урарту. Ереван, 1944, с. 315—317.

է, որ նույն տարրը կարտահայտվել միևնույն խորհրդանշով և հետաքրքիր է, որ հայկական նշանագրերում երկինք-երկիր գաղափարներն արտահայտված են միատեսակ շրջաններով, որոնք տարբերվում են սոսկ վեր ու վար տարված կարճ գծիկներով³⁰, Համահնչուն լինելով Ռիզվեդայում՝ երկինք-երկիր, ընդհանուր առանցքով իրար միացած անիվների պատկերմանը³¹, այս նշանագրերը փաստորեն նույնանում են տափաշի և սկահակների օտիզներական ծառի» առավել ուսույնտորեն արտահայտված պատկերների, ինչպես և Շիկահողի կախիկի հետ, որտեղ շրջանները ծառի մեջ են տեղադրված։ Ասենք նաև, որ վրաց ժողովրդի տիեզերական պատկերացումներում ևս, որպես տիեզերքի երեք հորիզոններն իրար միավորող հանգես է գալիս երկրի ծայրում գտնվող տիեզերական ծառը³² և այլն։ Բերված օրինակները, որոնք թվարկվածներով չեն սպառվում, ցույց են տալիս, որ տիեզերական ծառի—տիեզերքի եռահորիզոնության գաղափարը համապարփակ, համամարդկային բնույթ է ունեցել։

Կախիկների հաջորդ խումբն են կազմում թուշի ձև, ունեցողները, որոնք հայտնաբերված են Խնածախից (մ. թ. ա. VII—VI դդ., աղ. 1, նկ. 9) և Սիսիանից (աղ. 1, նկ. 8)։ Կախիկների մեջքի վրա օղակներ են պատրաստված, իրանները զարդարված են եռանկյունաձև ու տերեաձև անցքերով։ Այս նմուշների զուգահեռները բազմաթիվ են Հայաստանի և ընդհանրապես Անդրկովկասի ուշ բրոնզ-երկաթեդարյան հուշարձաններից հայտնաբերված նյութերում։ Այդ կախիկների մեջ, ինչպես և զանազան ծեսերի ժամանակ գործածված տարատեսակ ծավալային քանդակախմբեր ներկայացնող թուշների, եղջերուների և այլ կենդանիների սնամեջ իրանով արձանիկներում զնդիկներ են տեղադրված, որոնք շարժման ընթացքում ձայն են արձակել։ Ձայնին մարդը շարխափան, շարը վանող իմաստ է վերագրել, դրանով իսկ ասես կամեցել է կրկնապատկել պաշտպանակ հանդիսացող նման իրերի զորությունը։

Պայմանականորեն այս խմբում ենք դասում Շիկահողից մ. թ. ա. VII—VI դդ. նյութերի հետ

ров. Об отражении одного индоевропейского мифа в древнеармянской традиции.— Историко-филологический журнал, 1977, № 3, с. 102.

³⁰ Ա. Գ. Աբրահամյան. Հայ գրի և գրչության պատմություն. Երևան, 1959, էջ 150.

³¹ Мифы народов мира. Т. II, М., 1982, с. 207.

³² Նույն տեղում, հ. I, 1980, էջ 605.

հայտնաբերված բրոնզաձուլ դաշույն-կախիկը, որի դաստակը ավարտվում է արծվազուլու ելուստով (աղ. 1, նկ. 7)։ Այս իրը, որքանով մեզ հայտնի է, դեռևս եզակի է. հեռավոր նմանություն ունի Կարմիր բլուրից հայտնաբերված, հավանաբար, դաշույնի դաստակի՝ գիշատիչ թռչնի կատարի ոճավորված գլխամասին։ Վերջինս մերձենում է Անդրկովկասի հնավայրերից հայտնաբերված սակավաթիվ նյութերի այն խմբին, որոնք կրում են սկյութական, այսպես կոչված, «գաղանային ոճի» կնիքը³³։ Սյունիքի նմուշի յուրօրինակ ձևը, հավանաբար, նույն սկյութական աղոթություններով արտահայտություն է (այս տեսակետից ժամանակագրական տարբերություններ չեն դիտվում) տեղական ծագում ունեցող այս իրի վրա, որն առաջին անգամ է հանդիպում Սյունիքում։ Իրի շարխափան նշանակությունն այս դեպքում արտահայտում է զենքը (դաշույն), նրան վերագրվող իմաստը։ Տպավորությունն այնպիսին է, որ պաշտպանների մեջ ներդրված ձայն-աղմուկ և զենք իմաստներով մարդը, ասես, կամեցել է կրկնապատկել թռչնի շարխափան զորությունը։ Թռչունը, ինչպես տեսնում ենք խեցանոթների և գոտիների պատկերներից, ժայռակարներից, կնիքներից և այլն, կապվելով ջուր-օդ-երկինք-գաղափարների հետ և հանդես գալով իրեն մեզ դիտոր ստորին և վերին հորիզոնների³⁴, պայքարում է տվյալ դեպքում շարը անձնավորող օձի հետ։ Այս իմաստով թռչունը, ինչպես և եղջերուն, առնչվում է վիշապամարտին և դրանով իսկ արտահայտում իր կապը դարևան, բնության հարթների հետ։ Հետաքրքիր է, որ խնթական ծեսում թագավորն ու թագուհին, ամպրոպի և արևի աստվածություններին դիմելու ժամանակ պատգամների դերը արծվին են հատկացրել³⁵։

Առանձին հետաքրքրություն են ներկայացնում և «երկանիվ» կախիկները։ Տանձավներից և Ղափանից շինարարական աշխատանքների ժամա-

³³ С. А. Есаян, М. Н. Погребова. Скифские памятники Закавказья. М., 1985, с. 104—106, табл. XIX, рис. 4.

³⁴ Мифы народов мира. Т. II, с. 258—260, 346.

³⁵ В. Г. Ардзениба. Указ. соч., с. 123—124. Թռչնի կապը օդի, արևի և ջրի հետ իր արտացոլումն է գտել հայկական ավանդություններում, առասպելներում, հեքիաթներում. տե՛ս Մ ո վ ս ե ս Խ ո Ր ե ն ա ց ի. Պատմություն հայոց, Երևան, 1968, էջ 136։ Ա. Ղ ա ն ա լ ա ն յ ա ն. Նշվ. աշխ. էջ 3—4։

նակ հայտնաբերված այս իրերը շնայած միանման տեսքին, որոշ մանրամասներով տարբերվում են: Այսպես, Տանձավերից հայտնաբերված ընդհանուր առանցք ունի, որի դաճախամասում արված օղակի հիմքից աչ ու ձախ տարված երկուական էլուղներ միանում են առանցքի երկու կողմերը զարդարող, Լուսնկյունաձև անցքեր ունեցող անվաններին: Դրանց կենտրոնական մասում առկա են մեկական շրջանաձև ելունդներ: Երևելա նույնանման ելունդներ ուղիղ գծով զարդարում են անվանների միացման հատվածը, որոնցից ներքև երկու պարույրներն են ու դրանցով ստացված, գազաթով վեր ուղղված եռանկյունաձև բացվածքը: Իրի ընդհանուր առանցքի վրա, օղակից, որի տակ ելունդավոր շրջան է արված, մինչև անվանների միացման հատվածն է ձգվում ուղղիկ հասկազարդը, որի հատիկները ներքև են ուղղված (աղ. I, նկ. 24): Ինչ վերաբերում է Ղարանից գտնվածին, ապա դրա հասկազարդի հատիկները վեր են ուղղված, պարույրները զարդարում են օղակի աչ և ձախ կողմերը, առանցքից մեկական էլուղներ են միանում կրկին եռանկյունաձև անցքերով զարդարված անվաններին (աղ. I, նկ. 23): Նման իրեր հայտնի են Սևանի ավազանից և Մինգեչաուրի IV դամբարանաթմբից³⁶: Որոշ նմուշների վրա առկա են թուղունների քանդակներ, որոնք խոսում են այսօրինակ կախիկների՝ տիեզերական պատկերացումների, մասնավորապես երկնային լուսատուների հետ առնչվելու մասին: Հետևաբար հասկազարդերի առկայությունը ցույց է տալիս լուսատուների ուղղակի կապը բերքի ու առատության հետ, դրանով իսկ ընդգծելով այն իմաստը, թե...ամեն ինչ ղեկավարվում է Արեգակով և Լուսնով և զետեղված գտնվածներից ոչ մի բան նրանց ենթակայությունից դուրս չէ³⁷:

Իմաստով կախիկների ընդհանուր խմբից առանձնանում է ձեռքի տեսքով պատրաստվածը, որը հայտնաբերվեց Խնածախից մ. թ. ա. VII—VI դդ. նյութերի հետ: Ձեռքի բութ և ճկուն մատները թևթևակի վնասված են, որը ղեկավարացնում է վստահորեն ասել աչ ձեռքն է, թե՞ ձախը: Թուղնի պոչ հիշեցնող դաստակի կենտրոնում կախելու համար անցք է արված (աղ. I, նկ. 10): Այս իրը, որի զուգահեռները հայտնի են Կենտրո-

նական Կովկասի հնավայրերում³⁸, Հայաստանում առաջին անգամ է հանդիպում: Սակայն ձեռքի պաշտամունքը Հայաստանում լայն տարածում է ունեցել, որի վկայություն են երկաթեղարյան շիգղերի որոշ նմուշներ, որոնց մի ծայրը ձեռքի տեսք ունի (Կամո. Արգիշթիխինի, Քալին, Գոլովինո, Դաշրուլաղ և այլն)³⁹: Ազգագրական և բանահյուսական նյութերի համադրումը ենթադրել է տալիս, որ նախնական մտածողության որոշակի մակարդակում մարդը ձեռքին հմայական նշանակություն է տվել շեշտելով ձեռքի արարող նշանակությունը: Ձեռքն արտահայտել է և իշխանության, ուժի, զորության իմաստը⁴⁰: Պատահական չէ, որ իրեր օրհնանք կամ անեհձ ասվում է ձեռքը կանաչի կամ դալարի, բայց և ձեռքը շորանաչ և այլն: Միաժամանակ աչ և ձախ ձեռքերը խորհրդանշել են արական և իգական, դրական ու բացասական, վերևի ու ներքևի գաղափարները⁴¹:

Կենդանակերպ ու շրջանաձև աճյուրներ.— առաջինները ներկայացված են եղջերովի և ձիերի տեսք ունեցող կավակերտ նմուշներով: Եղջերվաձև անոթը հայտնաբերված է Շիկահողի № 10 դամբարանից: Թերի պահպանված եզրուրները, գլուխն ու մարմինը զարդարված են դրոշմազարդ բուրդակներով ու փորագրի գծերով: Կենդանու մեջքին ձագարաձև անցք է՝ ծննդի ժամանակ հատիկ կամ հեղուկ լցնելու համար (աղ. II, նկ. 1): Դա փաստարկվում է և խելակերպ աղբյուրների տվյալներով: Հասկանալի է, որ այդ անոթները բացվել են զարնան տոների ժամանակ և փակվել աշնանը, անոթի վերստին լցնելուց հետո: Անոթի բացումը խորհրդանշել է զարնանային եղանակի բացումը, անձրևների սկիզբը, որոնք գտնվել են ամպրոպի աստծու տնօրինության տակ⁴²:

³⁸ Б. В. Техов. Центральный Кавказ в XVI—X вв. до н. э. М., 1977, с. 140—141.

³⁹ А. А. Мартнросян. Аргинштхинили. Ереван, 1974, рис. 94. Յոս. Ասրյան. Հնագիտական նորահայտ նյութեր Լեռնային հարաբաղից.—ՉՍՄՀ ԳԱ «Լրագրեր հաս. գիտ.» 1982, № 9, տախ. 2, էջ 94—100:

⁴⁰ Ա. Ա. Ստեփանյան. Ձեռքի մոտիվի դրսևորումը հայ ժողովրդական դործվածքների դարդանախշերում.—ՉՍՄՀ ԳԱ հնագիտության և ազգագրության ինստիտուտի VI կոնֆերանսի լուսագրեր, Երևան, 1984, էջ 39—40:

⁴¹ Мифы народов мира. Т. II, с. 44.

⁴² В. Г. Ардзинба. Указ. соч., с. 11, 26.

³⁶ Ի. Լալայան. Դամբարանների պեղումներ Խորհրդային Հայաստանում. Երևան, 1931; Г. М. Асланов, Р. М. Вайдов, Г. И. Ионе. Древний Мингечаур. Баку, 1959, табл. XIX, рис. 26.

³⁷ Անանիա Շիրակացի. Մատենագրություն. Երևան, 1979, էջ 117:

Կենդանակերպ անոթների հաջորդ խումբն են ձիու տեսք ունեցողները: Ղափանից (աղ. II, նկ. 2), Տանձավերից (աղ. II, նկ. 3), Շիկահողից (աղ. II, նկ. 4), Գեղանուշից (աղ. II, նկ. 5)⁴³,

Խնածախի նմուշի, մեջքի վրա ձաղարածն անցքեր ունեն, որոնք Խնածախի անոթի վրա փոխարինված են կենդանու կողերին ամրացված երկու հաղորդակից կճուճներով: Պրանց ուսերը հատի-



Աղ. II

Բաղարուրչից և Խնածախից (աղ. II, նկ. 6) հայտնաբերված այս անոթները, բացառությամբ Խնածախի և Տանձավերի օրինակների (մ. թ. ա. VII—VI դդ.), գտնվել են շինարարական աշխատանքների ժամանակ: Բոլորն էլ, բացառությամբ

կաղարդ են: Այստեղ առկա է կենցաղային հետաքրքիր իրողություն. կենդանու երկու կողմերին կախված իրար հավասարակշռող անոթների առկայությունը ինքնին ենթադրում է յուրօրինակ բեռնաժամբի առկայությունը վաղնջական ժամանակներում: Բեռնաժամբի իմաստն են արտահայտում և մյուս անոթների կողերին եղած ձվածիր ելունդավոր հավելվածները (աղ. II, նկ. 4, 5):

⁴³ Գեղանուշի երկրորդ օրինակը գտնված է Ռ. Մ. Թորոսյանի պեղումներից՝ մ. թ. ա. VII—VI դդ. Բվազդավող քերմի դամբարանից: Նյութը հրատարակված չէ:

Դառնալով խնամախի նմուշին, նկատենք, որ հատկազարգերն առկա են կենդանու ոտքերի, զավակի, կրծքի ու մեջքի վրա, կողերին արված են փորագիր ուղղահայաց գծեր, իսկ աչքերն արտահայտված են կետաշրջաններով: Այս զարդերը Տանձավերի նմուշի վրա փոխարինված են երեք հորիզոնական գոտիներում ամփոփված ցանցազծերով, իսկ Գեղանուշից պատահականորեն հայտնաբերված օրինակում՝ երկու և երեք շարքով տարված բեկբեկուն կետազարդերով:

Կենդանակերպ նման անոթներ Հայաստանի և ընդհանրապես Անդրկովկասի այլ նշավայրերում հայտնի են Մուսիերից (երկար վզով և կարճ ոտքերով անորոշ կենդանու տեսք ունի և միայն պայմանականորեն է դասվում այս խումբում), Քալիշի՝ Զոնի և Ռադզուար հնավայրերից⁴⁴: Սյունիքում հայտնաբերված այս անոթները, զգալիորեն համալրելով համարնայլ, բայց այլաձև անոթների տեսականին, հարստացնում են մեր պատկերացումները նախնադարյան ծեսերում կիրառվող անոթների ձևերի մասին: Զիու պաշտամունքը, խոր արժատենք ունենալով, լայն տարածում է ստացել, ինչը լավագույնս փաստարկվում է այլևայլ նյութերի, մասնավորապես բրոնզե գոտիների վրա եղած պատկերներով, որտեղ ձին հանդես է գալիս արևի համադրությամբ և այլն: Այս տեսակետից առանձին կարևորություն է ձեռք բերում Քսենոփոնի վկայությունը, որից երևում է, թե Հայաստանում Արևի ձիեր են զոհաբերել⁴⁵:

Միսական անոթների վերջին խումբն են շերչանաձև, սնամեջ իրան ունեցողները: Սրանք հինգն են. ներկայացված են առանձին տարբերակներով: Մեկը հայտնաբերված է Շիկահոգից, մ. թ. ա. VII—VI դդ. նյութեր պարունակող⁴⁶: շինարարական աշխատանքների ժամանակ ավերված դամբարանից: Անոթը շրջանաձև իրանի ստորին մասում երեք ոտք ունի, որոնց ուղղությամբ, իրանի վերին մասում արված են եղել ձիերի և երեք գլուխներ: Երկուսը թիեր են, իսկ մեկը գազաթամասը կոտրված է: Անոթի իրանը զարդարված է ծառերի փորագիր պատկերներով և հորիզոնական տարված գծազարդերով ու զրանց երկու կողմից հավող թեք գծիկներով (աղ. II, նկ. 8): Անոթներից հաջորդը հայտնաբերված է Անգեղակոթ գյուղում, մ. թ. ա. IX—VIII դդ. թվագրվող նյութերի միջավայրում: Թիերի վիճակում դամբարան զրված այս իրը երեք ոտք է

ունեցել, որոնցից մեկն է պահպանվել: Իրի վերին մակերեսին, ամենայն հավանականությամբ, եղել է ինչ-որ հարդարանք, որը չի պահպանվել: Անոթի իրանը ստորին կեսում զարդարված է թեք տարված ծալազարդերով. իսկ վերին կեսը հորիզոնական ալիքաձև տեսք ունի: Մեկի վրա հասկանալի զարդագոտի կա (աղ. II, նկ. 7): Անոթներից երրորդը գտնվում է Գորիսի թանգարանում: Պատահականորեն հայտնաբերված այս անոթը (կոռնիձո՞ր) տարբերվում է նախորդներից ոտքերի բացակայությամբ և իրանի վերին մասում տեղադրված երեք ձագարաձև անցքերի առկայությամբ: Անոթի կողերն ու հատակը զարդարված են փորագիր անկյունապատկերներով (աղ. II, նկ. 9): Այս անոթին է պատճենում Տեղ գյուղից մ. թ. ա. X—IX դդ. նյութերի հետ հայտնաբերվածը, տարբերությամբ, որ իրանի վրա օղակաձև կանթ ունի, իսկ ստորին մասում՝ երեք ոտիկներ (աղ. II, նկ. 10): Անոթներից վերջինը հայտնաբերվել է Ռ. Մ. Թորոսյանի կողմից, Գեղանուշից: Այն ոտքեր չունի: Վերին մակերեսին առկա են կճուճի և զավաթի տեսքով հավելվածներ:

Արևելյան Հայաստանի և ընդհանրապես Անդրկովկասի տարածքում նման անոթներ հայտնի են Կարմիր բլուրից և Մուսիերից⁴⁶: Անոթների այս տեսակի զուգահեռները, պատրաստված կավից և արծաթից, երկաթեղարյան ժամանակաշրջանին պատկանող նյութերի հետ հայտնի են Իրան-Լուրիստանից⁴⁷:

Այս անոթները նույնպես կապված են երկնային լուսատուների պաշտամունքի հետ: Մասնավորապես այդ են մատնանշում ձիու տեսք ունեցող, ինչպես և ձագարաձև հավելվածները: Ընթացում է, որ շրջանաձև անոթները գործածվել են տարեկան տոների ժամանակ աղի ունեցող ծեսերում կամ արևի ու լուսնի պաշտամունքի հետ կապված զոհաբերություններում: Նման երեք վույթ, ինչպես օրինակ նորալուսնի ժամանակ կատարվող զոհաբերությունները, տեսնում ենք ուրարտական ձևերում, իսկ Անորեստանում

46 Ա. Փիլիպոսյան. Հայաստանի կենդանու պատկերները. — Թեղիսներ 2002 ԳԱ հանգիստության և ազգագրության ինստիտուտի, Երևան, 1983; J. de Morgan. Op. cit., fig. 307.

47 М. Н. Погребова. Иран и Закавказье в раннем железном веке. М., 1977, табл. XIX, рис. 8. I. Vanden Berghе. Luristan een verdwenen brons-kunst uit West-Iran. Gent, 1983, fig. 186.

⁴⁴ J. de Morgan. La préhistoire Orientale. T. III, Paris, 1927, fig. 267, 268, p. 280—281, fig. 303.

⁴⁵ Քսենոփոն. Անարատիս. Երևան, 1970, էջ 93:

զոհաբերություններ են արվել նորալուսինի և լուսնի ևրկու փուլերին¹⁵։

Ամփոփելով Սյունիքի հնավայրերից հայտնաբերված արձանիկների, տարատեսակ կախիկների, ապարանջանների, ինչպես և զանազան ծեսերի ժամանակ օգտագործված կենդանակերպ ու շրջանաձև խեցանոթների հետազոտությունների արդյունքները, կարող ենք նշել, որ դրանք, մաս կազմելով համալայաստանյան միասնական մշակույթի, արտացոլում են բնության ևրկույթների և ընդհանրապես տիեզերքի մասին մեր նախնիների ունեցած պատկերացումները։ Հեշտաւ նյութների

բնությունը, համադրումը բանահյուսական, ազգագրական և այլ աղբյուրների տվյալների հետ, ցույց է տալիս, որ բրոնզի ու երկաթի դարաշրջանում արդեն իսկ ձևավորվել էր տիեզերական զգացման, վիշապամարտի, լուսատուների և այլ աստվածությունների վերաբերյալ եղած առասպելների ատաղձը։ Այս նորահայտ նյութերը երևան են բերում մեր նախնիների աշխարհընկալման մանրամասները, բացահայտում, ընդլայնում են Հայաստանի՝ հարևան երկրների հետ ունեցած կապերի վերաբերյալ եղած իմացությունները։

48 Ն. Ա գ ո ն ց. նշվ. աշխ., էջ 230։

Օ. Ս. ԽՆԿԻՎԱՅՆ

НЕСКОЛЬКО ЗАМЕЧАНИЙ ОБ ОБРАZE МОИСЕЯ НА РЕЛИКВАРИИ 1293 ГОДА

Среди выдающихся произведений художественной культуры Армении в первом ряду по праву стоит серебряный, с позолотой, чеканной работы триптих-реликвари́й, выполненный в 1293 г. в монастыре Скевры (Киликийская Армения) и хранящийся ныне в Эрмитаже (инв. № V3-828)¹.

Более чем за полустолетнюю историю изучения этого памятника о нем накопилась значительная литература, в которой многие вопросы принципиального и частного характера, связанные с исследованием триптиха с художественной и исторической стороны, нашли должное освещение². И все же историко-художественная

значимость этого памятника так велика, что остается немало проблем, которые все еще требуют к себе внимания. Мы остановимся на одной из них.

На реликварии вычеканено тридцать два фигурных изображения избранных ветхозаветных персонажей, отцов церкви, армянских исторических деятелей (Григора Лусаворича, Вартама Мамиконяна, царя Гетума II и др.). Четверо из них представлены в рост, некоторые—по пояс, большинство—по грудь. Все изображенные снабжены пояснительными армянскими надписями, часть образов имеет характерные атрибуты (апостолы и святители с книгами, Петр с ключом от врат рая, Павел с мечом, пророки со свитками, воины при оружии и т. п.).

Среди представленных на реликварии пророков видим Моисея. К его образу мы и обратимся. Его погрудное изображение в медальоне помещено среди таких же изображений на правой торцевой стороне триптиха, между Симоном (названным «Шмавсоном»—Շմաճոն) и Симеоном. Все пророки на складне (Исаия, Илья, Давид, Иоанн Предтеча) представлены в облике старцев. Моисей составляет исключение: он юн, без бороды. У пророков в руках свитки, причем у всех они развернуты (у большинства с насечками, долженствующими обозначать их пророчества) и только Моисей сжимает в левой руке свернутый свиток. Эта бросающаяся в глаза деталь

¹ Размеры: выс.—63,5 см, шир.—35,5 (с раскрытыми створками—69,5), см., толщ.—7,5 см. Осн. лит.: S. Der Nersessian. Le reliquaire de Skevra et l'orfèvrerie cilicienne aux XIII^e et XIV^e siècles.—Revue des études arméniennes, n. s., t. I. Paris, 1964, p. 121—147; Ա. Կախիկյան. Հայ աղվեսի նշանավոր հուշարձանը.—Вестник Ереванского университета, 1979, № 3, с. 118—135; А. Я. Каковкин. Выдающийся памятник армянского искусства (Скеврский складень-реликвари́й 1293 г.).—II Международный симпозиум по армянскому искусству. Сб. докладов, т. IV. Ереван, 1981, с. 108—113.

² Критический обзор литературы о памятнике (до 1978 г.) см.: А. Я. Каковкин. Скеврский складень 1293 г.: итоги исследованный за 150 лет.—ՀՄՄՀ ԳԱ «Լրաբեր», 1978, № 1, էջ 93—97.